



## 810-1 AKILIUHIAGHAIT QAITQUJAUJUT HULIDJUTINUN ILAUJUNUN

*Kavamatkut Nunavunmi qaitquvagait Inirnighat, quviahuutikkut ilaujughat, aallallu ilihimanirmun haffuminga Inuit Qaujimajatuqangit ikajuriangini atuqpaghimajamitigut kivgaqtuutiniklu aalakiinun hulidjutinun. Kavamatkut Nunavunmi akiliqtuijut kantimanirmun akiliuhianik (maniktigut akiliqtuqaujut) ilitaridjutighat ihariagijaujut kivgaqtuutait hapkua atautit tunijait. Una atuqujaujuq havauhirijaa Kavamatkut Maliruagahaa akiliqtuirmun katimadjutinun qaitqujaujunun hulidjutinun ilaujughanun.*

### 1.0 MALIRUAGAHANUN TITIRAQHIMAJUT

- 1.1 Kavamatkut ikajuutigijait qiniqhianirmun uqautigijait Inirnighat aallallu kitut pihimajait Inuit Qaujimajatuqangit (IQ), akiliqtuqlugit atautit ilihimanirinun, ajuitiaqhijamajamigut, kivgaqtuutait ilaujujut kavamatkut hulidjutinun.

### 2.0 ATUQUJAUJUQ

- 2.1 Kavamatkut akiliqtuinaqtut akiliuhianik katimanikkut ilitaridjutighat atatuinun – Inirnighaluaq, hulidjutinun ilaujujut, aallallu pihimajut haffuming Inuit Qaujimajatuqangit – kitut ilaujujut ikajuriangini Kavamatkut hulidjutinun. Amigaitut hulijut akiliqtuulimaitut akiliuhianik katimanikkut akiliuhiaghat tapkununga hulidjutinun akiligahat titiraqhijamajukut kivgaqtungnirmun katulaakkut.
- 2.2 Humi havakumigit akiiuhiaghat katimadjutinun akiliuhiaghat Kavamatkut maligahat maligahat haffumani atuqujaujumi tamaitallu havauhiit Maniliqijip havangniaqtait.

### 3.0 ATULIRVIKHAU UBLUA

- 3.1 Una atuqujaujuq atulirniaqtuq Ubluqtuhivia 1, 2023.
- 3.2 Una atuqujaujuq himautaigijaa hapkua havauhiit atuqtaujut:
  - FAM Atuqujaujuq 810 akiliuhiaghat katimadjutinun (Qiqaijarluarvia 2008)

### 4.0 ATANIQTUIDJUTIT UKUALU TIKUAQTAUHIMAJUT

- 4.1 Maniliqinirmut Katimajit (FMB) tunihimajaat una atugahaq ataani ataniudjutikkut titiraqhijamajumi 5 haffumani [Maniliqinirmun Munaridjutinun Maligaa \(FAA\)](#).
- 4.2 FMB tikuaqhihimajut Maniliqiimun ataniunikkut tunihijaangani, ihuaqhaqlugu, taimaaqlugu havauhiit, atugahat, titiqqat, aallallu maliruagahanun ikajuutit ilaujujut atuqujaujumun.

## 5.0 TIKINAHUARUTIT

- 5.1 Tikinahuarutaa atugahap imaa:
  - 5.1.1 Iltarilugit uvalu pinarilugit ajuitiaqhimajait tapkua kitut pihimajait, uqautigilugillu ilihimajatik haffuminga Inuit Qaujimajatuqangit.
  - 5.1.2 Havaklugit tuhaqtilugillu FMB niriugutait ukualu pijaghat ilaujut havagiangini katimanikkut akiliuhiaghat qaitqujaujunun inungnun.

## 6.0 ILUANIITTUT

- 6.1 Una atuqujaujuq pidjutiqaqtuq tamainun kavamatkut havagviinun, kamisininun, katimajiuunun, katimajiinun, uqaudjinirmun timiujut, kavamatkullu timingnit munarijaujut Kavamatkunin.
- 6.2 Uvani atuqujaujuni:
  - 6.2.1 **Quvhiahuutinun Ilutqujaujut** naunaijautaa qujaginaq nunallaani ilaujut kitut uqautigijait ajuitatik hulilukaarutikkut aalakiillu aalat pitquhikkut atuqtaujut. Quvhiahuutinun ilutqujaujut qaitqujauniaqtut unipkaariamingni unipkaanik/ilihailutikluuniin pitquhirmingnik ilihimajamingnik qungiaqtitilutik, qilaudjaqlutik, qiavraqlutik, pihirnik pitquhikkullu ulapqidjutinik.
  - 6.2.2 **Inirnighaq** naunaijautaa inuk naunaijaqtaungituq ukiungatigut, kihimi nan'ngarijaunikkut inmi nunallaamingni pihimajut pitiarnikkut inuuhikullu atuqhimajamikkut tapkua ilaujut aalakiit ajuitatik pitquhikkut ilihimanirit. Inirnighat naunaijaqtauhimajut nunallaamingnin taimaa naunaijautiqangitut inirnighat inmigut.
  - 6.2.3 **IQ Ilihimanirmun Pihimajuq** naunaijautaa imaa Inirnighaq aalaniluuniin nunallaani ilaujut kitut pihimajuq anginirhakkut pitquhikkut ilihimanirmik pitquhiillu ilihimablugit aghuungnaqtut havaangit inmi nunakllaamingni.
  - 6.2.4 **Hulidjutinun Ilaujuq** naunaijautaa inuk qaitqujaujuq ilauluni Quviahuutinun Ilutqujaujuq, Inirnighaq, una IQ Ilihimanirmun pihimajuq, hivuliqhuqlutikluuniin ilanginik hulidjutini (imaa., ilituqhiaji, uqaqtuq, katimajuni ilaujuq, munaqhijuq, katimapkaijuq, akiliqtuqtaujuq uqaqtiliqtuqtuq, niripkaijuq, taimaa.).
  - 6.2.5 **Hivuliqhuqtuq Havagvingmi** naunaijautaa Kavamatkut Havagvia, timingit, katimajiit, kaminisat, katimajiit, aalat timiujut tapkua ihuaqhajut, katimapkaijut, katimapkaijuluuniin hulidjutinun.
- 6.3 Humi Kavamatkut qaiquijut Inirnighanik, Quviahuutinun Ilujughat, IQ Ilihimanirmun pihimajut, aalalluniin ilaujughat hulidjutinun, katimapkaijut

havagviit havangniaqtait akiliuhiaghait katimanirmun ilitridjutighait hapkua atautit kivgaqtungnirmun tunihijut.

6.4 Kivgaqtuutit pijaaqtut akiliqtuqtaujujut ilaujut:

- a) Ikajuutauniaqtunun uqaudjinirmun, uqagahatik, ilihimajit, ingilraat, naunaijautillu hulidjutini katimdjutinun, katimaqjuarutinun, katimadjutinun, aghuurutainun, aituutinik tuniuqhajjut, quviahuutinun, qungiaqtitijut, itqaumadjutit, avatiliqinirmunlu naunaijautit;
- b) Hivuliqhuqlutik quviahuutit hulidjutaini (imaa., qullirmik ikitirilutik), ikajuqlutikluuniin hulidjutini aalakkut pitquhiliqinirmun, pitquhikkut, hulilukaarutikuluuniin;
- c) Ilihaijuq haffunuuna Inuit Qaujimajatuqangit, Inuit Inuudjuhiini Aturniaqtut, ukualu Inuit uqauhiitigut ingilraanin kavamatkut havaktiinun, inulramiit, aalallu nunallaami ilaujut iglup iluani hilataanilu hulidjutinun (imaa., ilihaijut, katimapkaijut, ilihaidjutinun hulidjutit, aulaaqtitijut, IQ ubluit); ukualuuniin
- d) Tunihilutik uqaqtiliqtuunirmik numiktirinirmikluuniin kivgaqtuutunik atuqtaujuqhat kivgaqtuutit kaalutaanginun pilimaitpat.

6.5 Akiliuhiat katimanirmun Akitutulaangit

6.5.1 Havaliraangata akiliuhiaghat katimapkainikkut Katimapkaijuq Havagvik atugahait akiit angiqtauhimajut hapkunanga FMBkunin. Mikinirhaa akiliuhiat katimapkainirmun akiligahat napaa ublup akia.

6.5.2 FMBkut angiqlugit akitutulaaghat titiraqhimajut uvani Naunaitkutami A haffumunga atugahamun.

6.5.3 Havagvia Maniliqijip ihivriungniaqtait hapkua akitutulaangit pingahunguraikpat ukiut, qilamikluuniin pitqujaujutaagut Maniliqijip.

6.5.4 Ministap akilirumagumigit katimanirmun tamna akitutqiaq angiqtaujuumin akiit, Katimajiit angiqtaghaat akiit *hivvani* Katimapkaijut Havagviit tuhaqtitpagit angiqtauhimajut akiit qaitujaujunun hulidjutinun akilirumigiluuniin qujaginaq akiligahat.

6.6 Akiliuhiaghat katimadjutinun ihumagijaujut pitiarnirmun ilitaridjutit taijauhimajunun kivgaqtuutinun tunijaujut hulipkaigumik, uvani iluani havangitait havaaghat katulaaluuniin ilaudjutait tunijaujunun.

6.7 Humi inuk tunihimaarumi kivgaqtuutunik Kavamatkunun, tunihijut kivgaqtuutunik hilataani kitut hulidjutit, angirutiqarumiluuniin akiliuhiangit kikliqarumik hivvani,



katulaaktut pihimakpat. Hapkunuuna pidjutinun, Kavamatkut atuqtaghait inuup kivgaqtungnirmun katulaanga.

- Takulugu una [FAM 808-5 Inuup Kivgaqtungnirmun Katulaanga](#) kangihiatiarumaguvin.

6.8 Akiliuhiaghat katimadjutinun akiliqtaulimaituq inungmun kitut tunijaujariiqtuq akiliuhiaghat katimadjutinun, akiliuhiamik, aalakuluuniin qulangnaijaunmik aalamin havagvingmin talvunga hulidjunmun.

6.9 Kavamatkut havaktiit akiliqtaulimaitut akiliuhiaghat katimadjutinun kihimi tunihigumik kivgaqtuutunik hulidjutinun nanminiqagtut aktilaangitigut, hilataani havangnarnirmi ikaarnirit. Havaktit pilimaitaik tamangnik akiliuhiaghat katimadjutinun akiliuhiatiklu havagvingmingnin.

6.9.1 Havakti tunijaugumi akiliuhiaghat katimadjutinun ihuinaarnikkut, atugariliqtaat Kavamatkunun akiliffaaqtaghaq havagvingmun akiliqtuujumun.

6.10 Ukuu Canada Revenue Agency (CRA) ihumagijait akiliuhiaghat katimadjutinun itkaptaaksiqagtut. Katimapkaijuq Havagvik havagahait akiliuhiaghat katimadjutinun ihuarnikkut akiliuhiaqviup havauhiatigut pidjutiqaqtut unguvaqtirnirmun pijaghanun.

6.11 Qaitqujauhijaujuq inuk aulaariaqarumi ilaujaamini hulidjutinun Katimapkaijuq Havagvik akiliqtaaqtaaq ihuarnikkut angiriiqhimajuq aulaaqnirmun akiligahat maliklugit ukua FMBkut atugahait havaklugillu havauhiit.

- Takulugu [FAM 820-1 Aulaarnirmun Havaamitigut](#).

6.12 Humi naunajariiqhimajut, hulidjutini hivuliqhuqtuq (imaa., ighivautaaqtuq katimadjutini, katimaqjuarutinun tutqighaiji, taimaa.) angiqtaaqtaait akiliuhiaghat katimadjutinun imaa atauhirmik ublumik upalungaijainirmun hivuani atautit hulidjutit.

6.13 Atangujaq Maniliqijit Havagviani Katimapkaijuq Havagvik angiqtaaqtaait akiliuhiaghat katimadjutinun hivuani naunajariiqhimajut pidjutit humi qaitqujaujut ilaujughat ilaujaangini hulidjutinun tunigilugit hivuani akiligahat. Pitquhia, angirutait akiliuhiaghat katimadjutinun hivuani pitqujaungituq pitailijaujughaq.

6.14 Katimapkaijuq Havagvik munarijaghait havaklugit, manage, uniudjutigilugit tamaita akiliqtauhimajut avatqutugit akiliqhimajut.

## 7.0 NAUNAITKUTAUJUT IKAJUUTAUJULLU

7.1 Maligahat Pitqujaujullu

- [Kiinaujaliqinirmut Auladjutkhanut Maligaaq](#)

7.2 Ilaujun Qanuriliurutikhat



- FAM 808-5 Kavamatkut Katulaangit – Inuup Kivgaqtungnirmun Katulaangit
- FAM 820-1 Aulaarnirmun Havaamitigut

### 7.3 Apiqhuutit

- Apirhuutighaqaruvin akiliqtuinirmun katimadjutinun, hivajaqlugit havagvitit ukualuuniin kavamatkut timingni Kuapaliisit Kivgaqtuutait / Maniliqinirmun havaqatigiit.
- Apirhuutikhaqaruvin haffumuuna atuqujaujukkut, ilituripkaqlugit:

[FAM@gov.nu.ca](mailto:FAM@gov.nu.ca)

Havagviat Maniliqijit

Havagvia Maniliqijit

Kavamatkut Nunavunmi





---

**FAM AATUGAHAQ 810-1**  
**NAUNAITKUTAQ A – AKILIQTUINIRMUN KATIMADJUTINUN AKIIT QAITQUJAUJUNUN**

---

**Akiliqtuinirmun Katimadjutinun Akiit Qaitqujaujunun Hulidjutinun Ilaujughat**  
Aturlirluni Ubluqtuhivia 1, 2023

<i>Havaangit</i>	<i>Akiit</i>
Quviahuutinun Ilaujut	\$350 / ubluq / atautit halukunungaangitut amigaitunun qungiaqtitijut.
Hulidjutinun Ilaujuq	\$400 / tamaat ubluq \$200 / napaa ublup
IQ Ilihimanirmun Piqaqtuq / Pihimajuq, Inirnighaq, Uqaqtughaq, ighivautalik, Ilaujuq, taimaa.	\$650 / tamaanun ublup \$325 / napaa ublup

**HULIDJUTINUN ILAUJUNUN**

